



Minggu, 14 Juli 2024
Ogen: Sakaria 3:1-10



"Uis Simbaru"



Sakaria 3:1-10 enda nuriken kerna pengenehnen imam si mbelin Josua selaku wakil perpulungen i bas masana. Pengenehnen enda nuriken kerna serana perdalanen kegeluhen si ialami bangsa Israel seh ku tahap pemulihen si arus ialamina. Josua iaduken iblis tapi ibela Kristus (ay 1-2). I bas pengenehnen e Josua teridah make paken si melket, tapi kedungenna i bereken me man bana paken si bersih/uis mbaru (ay 3-5). Josua ibereken jaminen maka ia mulihken ndatken jabaten i bas perdalanenna geluhna si mehuli (ay 6-7). Arah pengenehnen enda i babai kita lako ngerenungken kerna tokoh Josua, si itulak tapi kedungenna ialo-alo; Josua i bersihkan arah perbahanen si melket; Josua mulihi ilantik ku bas jabatenna.

Perdalanen kegeluhen si ibentasi kita, subuk i bas pendahin, keluarga, kegeluhen ermasayarakat megati bali ras siinanami Josua. I bas pendahin, tupung idalanken kebenaran enterem kalak si rate nembah man banta tapi adi tetap kita nggeluh erpengarapen man Dibata sialoken ka nge mulihken si jadi hakta. I bas keluarga, lit ka nge kita la ndatken keadilan rikutken statusta tapi adi tetap kita nggeluh mehuli dengen bujur sialoken ka nge si jadi baginnta. I bas masyarakat, tupung si bela kalak si itindas, kita pe banci ka tertidan, tapi adi tetap kita ndalaken si mehuli sialoken ka nge kemalemen ate.

Uis Simbaru ibaratken hak, bagin rikut pe ras keriahen si mungkin tupung kita erbahan si benar, adil, bujur si buat i bas kita nari tapi di kune tetap kita erdalan i bas si e; mulihken ka man banta. Banci jadi tupung kita ndalanken kebenaran; keriahen dengen kemalemen ateta e ibuat i bas kita nari tapi, tetaplah nggeluh i bas kebenaran seh pagin sialoken ka mulihi kai si jadi baginnta. Bagi Josua imam si mbelin, ialokena mulihken si jadi baginna.

“Tetaplah erbahan mehuli seh ialoken uis simbaru ”